

堯山堂外紀

堯山堂外紀卷五十六

晉陵蔣仲舒編

宋

呂希哲

字原明中
國公子

呂原明元祐間侍講大雪不罷講講孟子哲廟一
笑喜爲二絕云水晶宮殿玉花零點經宮槐拂
素屏特勅下簾延墨客不因風雪廢談經其二
曰強記師承道古先究窮新意出陳編一言有

補天顏動全勝三軍賀凱還

孔平仲

字毅甫宣聖四十八世孫建國靖國間爲學士兄文仲字經甫武仲字常甫俱以才名播天下山谷有詩云二蘇上

連璧三孔分立鼎天不墜斯文俱來集臺省

盛次仲孔平仲同在館中雪夜論詩平仲曰當作
不經人道語曰斜拖闕角龍千尺澹抹牆腰月
半稜次仲曰甚佳惜未大也乃曰看來天地不
知夜飛入園林總是春平仲乃服

孔平仲藏頭詩寄賈宣州云高會當年喜得曹日
陪宴衍自忘勞力回天地君應憊心挾乾坤我
尚豪承亥論書非素學子孫干祿有東臯十年
求友相知寡分付長松蔭短蒿又呈章子平詩
云玉輅聲華星斗傍方州投老憇甘棠木迺剪
伐枝長碧石耐鐫磨性有常巾櫛藏經勤問學
子孫傳業富文章十年流落歸何暮日聽除書
侍玉皇

每句頭字皆藏
于每句尾字

孔平仲了語詩云公餗欲成忽覆鼎銀餅沒絕還
沈井乳虎咆哮落深窰青萍一揮斷人頸不了
語詩云無言以手尋颯環寒暑迭運彫朱顏八
駿踏地幾時徧六龍駕日何年閑

侯蒙

字元功
謚文穆

侯元功少游場屋年三十一始得鄉貢人以其年
長忽不加敬有輕薄子畫其形於紙鳶上引線
放之蒙見而大笑作臨江仙詞題其上曰未遇

行藏誰肯信。如今方表名踪。無端良匠畫形容。
當風輕借力。一舉入高空。才得吹噓身漸穩。
只疑遠赴蟾宮。雨餘時候。夕陽紅。幾人平地上。
看我碧霄中。蒙一舉卽登第。年五十餘遂爲執
政。

晁說之

字以道。無咎從弟。東坡守揚州。以道爲郡。倅入謁。坡折節迎之。顛坐客曰。

海內奇才也。司馬溫公不喜孟子作疑。孟十餘篇。以道自云受學於司馬公。因作此。孟一書。僧宗果云可。謂不善學柳下惠矣。

陳叔易恬居陽翟澗上村號澗上丈人無仕宦意
崇觀間朝廷召之郡守勸駕不得已而起晁以
道時致仕居嵩山有詩云處士誰人爲作牙盡
携援鶴到京華從今鄰壑堪惆悵六六峯前只
一家後靖康間以道亦起而女第四娘適唐氏
者頗復誚其出焉

梁師成以翰墨爲已任四方俊秀名士必招致門
下往往遭點污晁以道後來亦附之有人以詩

朝曰早起朱張師隨賡蔡子詩此回休咄強九

事且從宜

師成自言蘇軾出于時天下禁誦蘇文其尺牘在人間者皆毀去師或訴

于帝曰先臣何罪自是軾之文乃稍出

張塋

字子厚吾武進人

張子厚少有異才多異夢嘗作夢錄記夢中詩曰
楚峽雲嬌宋玉愁月明溪淨印銀鈎襄王定是
思前夢又抱霞衾上玉樓殆不類人間人也

張子厚與東萊呂子進同年進士也子厚自登科

不復仕紹聖中子進自中書舍人出知睦州子
厚小舟相送數程別後寄詩云籬鷄雲鵬各有
程匆匆相別未忘情恨君不在蓬籠底共聽蕭
蕭夜雨聲

張子厚嘗游山寺寺僧具食極疏畧子厚戲爲詩
曰凍僕堆堆依竈燎山僧草草具盤飧井丹已
厭嘗葱葉庾亮何勞惜礎根

鄒浩

字志完自號道鄉
居士吾武進人

鄒志完南遷在昭州江上爲居屋近崇寧寺因閱
華嚴經于觀音像前有修竹三根生像之後志
完揭茅出之不可乃垂枝覆像儼然寶陀山巖
竹也昭人扃鎖之以爲過客遊觀比還過永州
澹山巖巖有馴狐凡貴客至則鳴志完將至而
狐輒鳴寺僧出迎志完怪之僧以狐鳴爲對志
完作詩曰我入幽巖亦偶然初無消息與人傳
馴狐戲學仙伽客一夜飛鳴報老禪

張守

吾武進人是時行三舍法辟雍會試羣國貢士凡數千人其升諸司馬命於天

子者僅百四十人而吾常至三十有二人爲天下最

崇寧中張叅政守旣擢第至大觀三年榜三兄弟
宰案宇又同升而第泰州通判寔復以上舍試
禮部中優等於是郡太守徐伸取靈椿一株老
丹桂五枝芳之句榜其間曰椿桂坊

建炎初駐蹕越州明年改元紹興遂陞府號後移
蹕臨安命張守知府事謝表曰履勾踐之故棲

厲嘗膽枕戈之志想神禹之遺跡服卑宮菲食之勞人服其工

霍洞

字大清吾武進人端友從孫也吾郡城有後河乃李守餘慶創開謂三十年當

有魁天下者已而吾邑錢公輔登第三胡宗愈繼爲第二余中遂魁天下崇寧初朱守彥濟之次年端友魁天下河自羅城南水門分荆溪之流經月村金牛顧塘葛橋至於土橋以入於漕渠霍氏居河上游河勢曲折朝揖其門鍾聚秀氣世有名人

霍洞喜爲詩嘗宿田舍見吏催科有詩云北風吹

晴屋滿霜翁兒赤體悲無裳閨中幼婦飢欲泣

忍飢取麻燈下緝一身勿暇私自憐鳴機軋軋
明窓前織成五丈如霜布翁作襴裙兒作袴明
朝官中催租急依然赤體當風立

霍洞曾歲饑見守出游賦詩云朝來五馬去尋春
誰信家家甑有塵枕席道旁宜細問恐非芳草
醉眠人守聞爲之罷游

孫覲

字仲益相傳東坡南遷時一妾有娠不
得偕往出嫁吾常孫氏比歸見之則仲

益生六七齡矣命名曰
覲謂覲見也後官尚書

東坡歸宜興時道由無錫洛社嘗至孫仲孟家仲
孟年在髫髻坡曰孺子習何藝孫曰學對屬坡
曰試對者徐曰衡門稚子璠璣器孫應聲云翰
苑神仙錦繡腸坡撫其背曰真璠璣器也時天
微雨坡緋衣金帶又命對曰雨濕紅袍蘇木氣
仲孟應聲曰風吹金帶荔枝香坡大奇之

唐張繼楓橋夜泊詩曰月落烏啼霜滿天江楓漁
火對愁眠姑蘇城外寒山寺夜半鐘聲到客船

孫尚書仲益作楓橋修造記引此詩爲證以爲
楓橋之名由此著天下晚過姑蘇因留題寒山
寺曰白首重來一夢中青山不改舊時容烏啼
月落橋邊寺歌枕遙聞半夜鐘

汪藻

字彥章自號浮溪四六極長一代與孫仲益齊名嘗結茅爲亭面愚溪之口有

羣鷗日馴其地名玩鷗亭

汪彥章舟行汴中岸傍畫舫有映簾而觀者見其
額賦醉落魄詞云小舟簾隙佳人半露梅粧額

綠雲低映花如刻。恰似秋宵一半銀蟾白。結
兒梢。朶香紅。劫鈿蟬隱隱。搖金碧。春山秋水。渾
無迹。不露牆頭些子。真消息。

有士人買妾。既而卧病。汪彥章以詩戲之。其一曰
但知瓊樹聞清新。不道三彭接有神。處仲未聞
開閣事。維摩空對問。禪人封侯燕頤何妨瘦。伐
性蛾眉却怕顰。從此空花掃除盡。定須嚼蠟向
橫陳。又溫柔鄉裏事。還新便擬尊前賦洛神。定

向中年多作惡非干尤物解移人莫愁阿鵲煩
君嫁。且學西施爲我嬾。爭似儂家無一事從來
婚嫁只朱陳。

汪彥章在翰苑屢致言者作點絳脣詞云永夜厭
厭畫簾低月山銜斗起來搔首梅影橫窓瘦
不管霜天閑却傳盃手君知否曉鴉啼後歸夢
濃如酒或問曰歸夢濃如酒何以在曉鴉啼後
公曰無奈這一隊畜生何

陸元光

字蒙老
吳興人

陸蒙老嘗爲晉陵宰。頗喜作詩。時州幕官有好讒
謗同列者。一日同會。忽聞蟬聲。幕官謂陸曰。君
旣能詩。可詠此也。陸卽席爲詩。以譏之。曰。綠陰
深處。汝行藏。風露從來是稻粱。莫倚高枝縱繁
響也。宜回首。顧螳螂。其人愧而少戢。

周知微

字明老
晉陵縣尉

周知微題臨淮雙頭白蓮圖云。旣不學。叔隗。季隗。

南歸晉。又不學大喬小喬。東入吳。一種桃根與
桃葉。若爲化作雙芙蓉。臨淮政成有餘暇。坐令
華屋生瀟灑。驚溪一幅萬里寬。移得斷江入圖
畫。天空水闊江茫茫。相見女英與娥皇。九疑雲
深蒼梧遠。冰姿泣露不成粧。苦心抱恨何年了。
香骨應其沒秋草。不如回首謝秋風。分作尹邢
來漢宮。

周明老詠萍萍詩曰。小靨浮青水。拍隄隄邊草色。

更相宜。一番穀雨晚晴後。萬點楊花春盡時。解與曲池藏寶鑑。不教新月妬蛾眉。怪來別岸波光闊。知是漁郎艇子移。

盱眙有龜山。相傳禹治水。鎖渦水神巫。支祁於此。上有絕壁。下有重淵。周知微嘗游。作迴文詩曰。潮回暗浪雪山傾。遠浦漁舟釣月明。橋對寺門松徑小。檻當泉眼石波清。迢迢綠樹江天曉。靄靄紅霞海日晴。遙望四山雲接水。碧峯千點數。

帆輕

周紫芝

字少隱號竹坡
老人宣城郡公

東坡在儋耳一日過黎子雲遇雨乃從農家借簍
笠戴之着屐而歸婦人小兒相隨爭笑周少隱
有詩云持節休誇海上蘇前身便是牧羊奴應
嫌朱紱當年夢故作黃冠一笑娛遺迹與公歸
物外清風爲我襲庭隅憑誰喚起王摩詰畫作
東坡戴笠圖

方言可以入詩吳中以八月露下而雨謂之淋露

九月霜降而雲謂之護霜周少隱有句云雨細

方淋露雲疎欲護霜

方言又有勃姑鷄第槐花黃舉子忙促織鳴懶婦驚

之類詩人皆用之大抵多吳語

宣和末洪鴻父羽女適繁昌焦洧一日遇巨盜於

江中欲逼之女義不受污投江而死兩侍兒大

曰宜恩小曰均奴姓吳氏女兄弟也俱有色藝

亦相隨赴水死焦之甥徐伯遠傳其事周少隱

爲賦二詩云就死由來不自疑玉顏那爲賊鋒
低了知今日投淵婦猶勝當年斷臂妻虜騎駸
駸戰艦驕春江漫漫濕金翹但將紅袖供歌舞
却爲周郎笑二喬

陳師錫

字伯修號開樂先生與陳了翁友暑

一日同集瀟王園中有鴈陣過戲曰
明年魁天下者當中有鴈伯修引弓射之
一矢中其三了翁不中須臾又鴈陣過了
翁射之亦中其三伯修笑曰公其後榜耶
了翁曰果然當爲公代矣明年伯修果以
第三人登第後三年了翁登第亦第三人
皆爲昭慶軍節度掌書記果相與爲代因

名便廳爲
射鴈堂

崇寧初呂榮陽自曹州與相州太守劉壽臣學士
兩易會於滑州陳伯修時爲滑守坐中有詩云
金馬舊游三學士玉麟交政兩諸侯蓋記當時
事也

宣和三年陳伯修以祠官居南徐一日晝寢夢至
一殿殿宇巍然中有人冠服如天帝正坐侍衛
環列贊者引公拜殿下命之升殿慰藉久之因

令盡錄平生論事章疏以進帝喜曰已安排卿
第六等官矣遂覺呼其子大理寺丞昱至前引
其手按其頂則十字裂如小兒頤其熱如火因
告以夢已而再寢頃之覺復謂其子曰適又夢
入黑漆屋三間此棺槨之象吾去必矣乃携親
戚數十人酌酒告别迨夜入寢跌坐而終終之
七日忽有僧欲入弔其家以素不之識止之僧
云我誠不識公但疇昔之夜在瓜洲忽夢一官

人看朱騎馬導從甚盛凌波而北人馬皆不濡
傍人指云此陳殿院也泊入城見羣僧來作佛
事乃知之故欲瞻敬遺像非有所求也時名流
多作挽詩紀其事黃冕仲云不須更草玉樓記
已作僊官第六人張子韶云凌波應作水中僊
蓋謂此

何大圭

字晉之
廣德人

何晉之早年有俊聲宣政間爲館職其人拓弛不

羈不能自重仕官晚亦不偶其詠殊有可喜者
嘗有詩曰茅屋松窓小隱家茶煙漠漠水斜斜
簷間乳燕未成語庭下石榴爭放花賴有詩書
銷白日倦隨車馬走黃沙林泉舊約好徑去風
雨滿江垂釣車又嘗爲姓韓貴人作樂語乃以
唐吏部漢將軍爲對人喜傳之

何晉之小重山惜別詞云綠樹鶯啼春正濃釵頭
青杏小綠成叢玉船風動酒鱗紅歌聲咽相見

幾時重 車馬去匆匆路隨芳草遠恨無窮相
思只在夢魂中今宵月偏照小樓東

福州一農家子張生幼時父使持錢三千入山市
斧柯遇村人有爲逋負所迫欲自經者惻然盡
以所賣贈之而親釋其縛因坐石上旁有人不
相識問飢渴乎曰然指路隅竹萌令食之堅不
可咀徐傾小瓢水於掌以飲之生飲水頓覺精
爽非常自此絕粒忽識字能爲詩頗言人未來

事後祝髮爲浮屠住一小院有不逞繫馬于堂
上者輒病心疼或教使謝過病良已因丐師言
以自警信筆示之曰衆生騎畜生兩箇不相爭
坐底只管坐行者只管行又觀棊詩曰路從平
處險人向靜中忙何大主在閩與師熟所遇乃
鍾離先生也

梅執禮

字和勝浦江人終戶部尚書或于靖康之難

梅和勝未冠時家極貧而親老無以爲養大雪中

以詩謁邑宰云有令可干難閉戶無人堪訪賴
移舟邑令延之令訓其子弟方應舉未捷有詩
自遣云天之未喪斯文也吾亦何爲不豫哉一
時傳誦

宣和初梅和勝爲給事中與時相王黼論事不合
責守滁王黼罷相復職知鎮江靖康初以翰林
學士召其謝表有曰喜照壁間而見蠋乍離楓
下而聞鐘蓋照壁喜見蠋此韓退之詩句也下

句用劉夢得詩語。夢得自武陵例召赴京詩曰
雲雨湘江起。卧龍武陵樵客躡仙蹤。十年楚水
楓林下。今日初聞長樂鐘。

孫薪

字至豐麗水人年八十卒先是有李若朴者夢薪赴赤松觀管轄召里人亦云

夢懶懶來迎孫教授翌日具衣冠端坐而逝

孫薪質性清介絕意仕進與黃葆光爲太學舊遊
宣和末黃以侍御史出守處州薪不肯詣郡謁
見黃約以勸農日會於洞溪僧舍至期薪以扁

舟來會黃贈以詩云勸農因到好溪頭把酒相
看憶舊遊三十年來如一夢可憐空負釣魚舟
時有里胥欲賂黃而無由將因薪納之俾新家
僮導意於薪薪叱曰謹無語使吾聞此是入耳
賦其介如此

關澥

字子容錢塘人兄弟俱有才名
注字子開沼字子淵尤顯著

關澥有俊才而容止不揚持服中過南徐客次見
一緋魚朝士倨坐關揖而問之彼疑關爲攫徒

因諠關曰太子洗馬高垂魚良久復詢關關答
以某之官乃是皇后騎牛低釣驚朝士駭曰是
何官位關笑曰且欲與君對偶精切

陳蒙

陳蒙家世清白一日有布衣持紙扇來謁上書云
出韻不駐思蒙以酸字爲韻令賦梅花詩謁者
輒應聲云影搖溪脚月猶冷香滿枝頭雪未乾
只爲傳家太清白致令生子亦辛酸蒙大悅歎

其人而厚贈之

康執權

字平仲

康待制奉祠寓居永嘉籍妓中有姓山者頗慧麗
康時命之侑樽俎一日妓之父以事繫縣中當
坐罪妓涕泣歷求救於士大夫康憫之戲爲一
絕云昔日緹縈亦如許。盡道生男不如女。河陽
滿縣皆春風。忍使梨花偏帶雨。明日妓詣縣投
狀乞代父罪且連此詩於狀前邑宰一見遂笑

而釋之

范周

字無外純古之子

方臘之亂州民團結巡護雖士流不免范周率諸生冠帶夜行題詩燈籠云自古輕儒莫若秦山河社稷付他人而今重士如周室恐使書生作夜巡守將聞之亟為罷去

國朝正統間廣州葉宗劉謀逆抗點民兵

有生員之父亦在點中其子往訴于府府主不為之理佛衣而出自言水上打一棒蓋以俗云空無用也主疑其以惡語嘲之詢得其實遂曰汝能賦此當免役因口占曰大七琅玕杖碧流

一聲驚破楚天秋
千條素練間還合
萬顆明珠歲復收
鷗鷺盡飛紅蓼岸
鷺齊起白蘋洲
想應此處無魚釣
起網收綸別下釣
守逐除之

鄧肅

字志宏別號栢樹巖宗朝獻十諷詩有云但願君王安百姓國中無日不春風

太學生上詩自肅始

鄧志宏有文行與朱韋齋交好一日韋齋觴客栢
櫚以冠帶寓之醉起韋齋戲留以質紙筆明日
如約韋齋受其筆還冠而以紙少留帶曰儻無
千幅竟不還也栢櫚爲寄一詩曰歸帽納毫真

得策索牋留帶計還疎公如買菜苦求益我已
忘腰何用渠閉戶羽衣聊自適推窓柿葉對人
書帝都聲價君知否寄付新傳折檻朱其風流
調笑藹藹若此

陳東

少陽先生
丹陽人

靖康中陳少陽飲於京師酒樓有倡打坐而歌者
陳不之顧乃去倚欄而歌望江南音調清越陳
不覺傾聽其詞曰闌干曲紅颺綉簾旌花燼不

禁纖手捻被風吹去意還驚眉黛感山青鏗鉄
板閒引步虛聲塵世無人知此曲却騎黃鶴上
瑤京露冷月華清問詞孰爲之曰上清蔡真人
也言訖得數錢卽下樓去亟使追之已失矣

聶昌

元名山淵聖嘗問山古之名者不以山
川今名山可乎山因乞更名淵聖許自
擇以進于是以何叅崇景等條上自此蕭
曹姚宋最後及周昌御批周昌強直可慕

可賜
名昌

聶昌靖康中登政府出知絳州遇害紹興中張殊

自北歸過絳驛見壁間有血書一詩云星流一
箭五心摧電掣雙眸兩臂開車馬踐時頭似粉
烏鳶啄處骨如灰父兄有恨空垂淚子弟無知
不舉哀回首臨川歸未得冥中空築望鄉臺時
以爲聶之精鬼所作

堯山堂外紀卷五十六終

堯山堂外紀卷五十七

晉陵蔣仲舒編

宋

高宗構

徽宗第九子母曰顯仁皇后韋氏徽宗嘗夢錢武肅王乞還兩浙舊疆甚懇且曰我當遣第三子居之覺而韋妃報誕人以為錢鏐轉世錢王壽八十一帝亦壽八十一

高宗在潛邸道人徐神翁一日以詩獻曰牡蠣灘頭一艇橫夕陽西去待潮生與君不負登臨約

同上山堂久矣卷五十一
同上金鰲背上行初不解其意後兩宮北狩帝
南渡航海次臨海縣章安鎮灘淺候潮問左右
曰牡蠣灘也遙見雲林中有閣歸然問之乃金
鰲閣也帝登岸見前所別詩墨痕尚新方信其
為異人云

李右相綱方經理兩河以圖復中原黃潛善汪伯
彥力排去之車駕遂東幸兩河郡縣相繼淪陷
金人南侵帝奔杭州而國不可為矣有人題詩

於吳山子胥祠曰和戰無成數戒嚴中原民苦
望熙恬遷杭不已思閩廣牛角山河日入尖
高宗南幸舟泊岸執政必登舟朝謁行于沮洳則
躡芒鞋宰相呂元直顧同列戲曰草履便將為
赤舄既而傍舟水溪乃積稻稈以進叅政范覺
民曰稻稈聊以當沙堤

有稱中興野人和東坡念奴嬌詞題吳江橋上車
駕巡師江表過而覩之詔物色其人不復見矣

炎精中否。歎人才委靡。都無英物。胡虜長驅三
犯闕。誰作長城堅壁。萬國奔騰。兩宮幽陷。此恨
何時雪。草廬三顧。豈無高卧賢傑。天意眷我中
興。吾皇神武。踵曾孫周發。河海封疆俱効順。狂
虜何勞。灰滅翠羽南巡。扣閣無路。徒有衝冠髮。
孤忠耿耿。劍鉞冷。浸秋月。

高宗好養鵜鴒。躬自飛放。有士人題詩云。鵜鴒飛
騰遶帝都。朝收暮放費工夫。何如養箇南來鴈。

沙漠熊傳二帝書帝聞之召見士人即命補官
高宗時饔人淪餽飽不熟下大理寺優人扮兩士
人相貌各問其年一曰甲子生一曰丙子生優
人告曰此二人各合下大理帝問故優人曰餽
子餅子皆生與餽飽不熟者同罪耳上大笑赦
原饔人

紹興淳熙之間頗稱康裕君相縱逸耽樂湖山無
復新亭之淚士人林升者題一絕于旅邸云山

外青山樓外樓西湖歌舞幾時休暖風薰得遊
人醉便把杭州作汴州又湖南有白塔橋印賣
朝京路經士大夫往臨安者必買以披閱有人
題一絕云白塔橋邊賣地經長亭短驛甚分明
如何只說臨安路不數中原有幾程

洪皓

字光弼鄱陽人政和中第進士在金日
范鎮之孫祖平為傭奴皓言於金人釋

之劉光世庶女為人
秦豕亦贖而嫁焉

洪皓初為寧海簿攝令事蠲貧弱四千八百戶稅

縣境荷花桃實竹榦有連理之瑞建三瑞堂已
而生子适遵遇果應其瑞後适以二車行縣題
詩云久以馳菟夢今登三瑞堂故山有喬木近
事話甘棠。上洪並中詞科繼入西掖時有賀啟云有是父有是子相傳忠義之風雖為弟難為兄俱擅詞章之譽

建炎三年忠宣公以行人克金國通問使至金被
執公不屈窘辱百端移太原遷雲中過冷山公
節愈礪嘗伺二帝起居有桃梨栗麵之獻又密

以康王即位事聞後有金大臣悟室延公訓子
公亦資館穀焉一日悟室壽旦使其子求公詩
為祝公作詩云久持使節傍門庭薄命猶賒五
鼎烹羶乳幾時歸北海鴈書何日到京城莫言
地廣頻修怨當念民勞早戢兵國寶善隣君寶
信坐膺難老見昇平

洪忠宣公自嶺外徙宜春没于保昌張子韶致祭
其文但云維某年月日具官某謹以清酌之奠

昭告於某官之靈嗚呼哀哉伏惟尚饗景廬深
美其情哀愴乃過于詞

張浚

字德遠黃
潜善客也

張紫巖謫居零陵一日慨然作几間九墨并常支
筇竹杖二銘以寓意墨之銘曰存身于昏昏而
天下之理因以昭昭斯為瀟湘之寶予將與之
歸老而逍遙杖之銘曰用則行舍則藏惟我與
爾危不持顛不扶則焉用彼或錄以示當路大

怒以為諷已將奏之會病卒不果後陳俊卿言
於孝皇親書一銘於御杖焉

胡銓

字邦衡號澹庵後謚忠簡居廬陵四忠
之一張魏公云秦檜專柄二十年只成

就得一个胡邦衡耳其嫁
女只匣一个硯并漢書一部

紹興中胡邦衡為樞密編修官上疏乞斬秦檜連
貶新州寺丞陳剛中以啟賀之有身為南海之
行名若泰山之重又願請尚方之劍聊乘下澤
之車等語亦貶安遠吉州江濱有石材廟隆祐

太后避虜御舟泊廟下一夕夢神告曰速行虜
至太后驚悟即命發舟指章貢虜果躡其後不
及而還事定特封廟神剛應侯寺丞南行題詩
廟柱云疏爵新剛應論功舊石材能行文母夢
還訝佞人來海市為誰出衡雲豈自開乞靈如
見告逐客幾時回後寺丞竟死安遠無子其妻
削髮為尼世咸悲之

胡邦衡赴貶所王廷珪以詩送之曰囊封朝奏九

重關是日清都虎豹開百辟動容觀奏牘幾人
回首愧朝班名高北斗星辰上身墮南州瘴海
間豈待他年公議出漢庭行召賈生還大厦元
非一木支欲將獨力拄傾危痴兒不了公家事
男子要爲天下奇當日奸諛皆膽落平生忠義
只心知端能飽喫新州飯在慶江山足護持秦
檜見而大惡之以謗訕流辰州時邦衡有和詩
云岩耕名已振京關未信終身袖手閑萬卷不

移顏氏樂。一生無愧伯夷。班致君自許唐虞上。
待我誰能。季孟間。宗社年來欠元老。蒼生拭目
看來還。士氣年來弱不支。逢時言行欲俱危。不
因湖外三年謫。安得江南一段奇。非我獨清緣
世濁。此心誰識只天知。萬牛回首須公起。大厦
將顛要力持。

張仲宗有賀新郎一闕亦送胡澹菴作也詞云夢
繞神州路。恨西風連營畫角。故宮禾黍底事崑

崙傾砥柱九地黃流亂注聚萬落千村孤兔天
意從來高難問況人情易老悲難訴更南浦送
君去涼生岸柳催殘暑耿斜河疎星澹月淡
雲微度萬里江山知何處回首對牀夜雨鴈不
到書成誰與目盡青天懷今古肯兒曹恩怨相
爾汝舉太白聽金縷秦檜知之興王庭珪同貶
王庭珪在辰陽郡守承風旨待以囚隸適郵筒至
張燕公堂以召之廷珪恠前此未之有不敢赴

邀者系踵不得已。趨詣罷燕之明日。始聞檜死。
守蓋先得之矣。故盧溪既得自便之命。題詩壁
間曰。辰州更在武陵西。每望長安信息稀。二十
年興縉紳禍。一終朝失相公威。外人初說哥奴
病。遠道俄聞逐客歸。當日弄權誰敢指。如今憶
得姓依希。蓋志喜也。庭珪字民瞻。安福人。邑有
盧溪先生孝宗召赴闕。除直秘閣。一子扶掖上
殿。年已九十餘矣。尚攻書。夜對短檠。作細字。率
宵分乃寢。

胡澹菴居海外二十年聞檜死有詩云夢入瓊崖
身益壯煙銷金塢臭空傳及孝宗登極起知饒
州未到任除秘少監登南恩望海臺吟曰君恩
寬逐客萬里聽歸來未上凌煙閣先登望海臺
山為翠浪湧湖拓碧天開目斷雲飛處終身愧
老萊

胡澹菴自海外歸旅邸有黎妓者偶與之狎因留
題壁間朱元晦嘗過之次其韵曰十年湖海一

身輕歸對黎渦却有情世路無如人慾險幾人
到此誤平生

趙鼎

字元鎮乃李德裕轉世俱壽六十二辛
稼軒帥長沙士人亦想考試官濫取第
十七名春秋卷稼軒察之信然索重榜春
秋卷兩易之啟名則趙鼎也稼軒怒曰佐
國元勲忠簡一人胡
為又一趙鼎擲之地

趙鼎安置潮州杜門謝客時事不掛口及移吉
陽軍門人故吏皆不敢通問惟廣西帥張宗元
時饋醪米檜知之今本軍月具存亡申報鼎遂

不食而死自書墓中石記鄉里及除拜歲月又
書銘旌云身騎箕尾歸天上氣作山河壯本朝
天下聞而悲之

韓世忠

字良臣
追封新王

紹興中秦檜當國韓世忠以和議不合懇疏解樞
柄逍遙家居常頂一字巾跨驢周遊湖山纔以
童史四五人自隨混跡漁樵號清涼居士好事
者遂繪為韓王湖上騎驢圖元吳萊題詩有云

西湖楊柳烟波寒。照見從前刀劍瘢。宮中孰與
論頗牧。塞上寧知無范韓。方萬里。歌云取日虞
淵戰。臨平鼓起金山麾。伏兵既不盡。此背鬼軍
陣形。國容貂蟬佩。葱珩軍容金甲馬朱纓。又不
盡。此生面真儀刑。昔王不肯專樞庭。清涼居士
以自名。散遣萬騎還屯營。獨控長耳遊林垌。龍
變不測。人中英諦觀。豈是寒書生。

韓蘄王生長兵間。未嘗知書。晚歲忽若有悟。能作

字及小詞一日至香林園蘇仲虎尚書方宴客
王徑造之賓主歡甚盡醉而歸明日王餉以羊
羔且手書二詞遺之臨江仙云冬日青山滿洒
靜春來山暖花濃少年衰老與山同世間名利
客富貴與貧窮榮華不是長生藥清閒不是死
門風勸君識取主人公單方只一味盡在不言
中南鄉子云人有幾多般富貴榮華揔是閒自
古英雄都是夢為官寶玉妻兒宿業纏年事已

衰殘鬚鬢蒼蒼骨髓乾不道山林多好處貪欲
只恐癡迷誤了賢

岳州徐君寶妻某氏被虜來杭居韓蘄王府自岳
至杭相從數千里其主者數欲犯之而終以巧
計脫蓋某氏有令姿主者弗忍殺之也一日主
者怒甚將即強焉因告曰俟妾祭謝先夫然後
乃為君婦不遲也君奚怒為主者喜諾某氏乃
焚香再拜默祝南向飲泣題滿庭芳詞一闕于

壁上書已投大池中。以死詞云。漢上繁華。江南
人物。尚遺宣政風流。綠窓朱戶。十里爛銀鈎。一
旦刀兵齊舉。旌旗擁百萬。貔貅長驅。入歌樓舞
榭。風捲落花愁。清平三百載。典章文物掃地
都休。幸此身未北。猶客南州。破鑑徐郎。何在空
惆悵。相見無由。從今後。斷魂千里。夜夜岳陽樓。

岳飛

字鵬舉。生時有大鳥
飛鳴屋上。因得名。

岳武穆滿江紅詞云。怒髮衝冠。憑欄處。瀟瀟雨歇。

三十功名塵與土。八千里外雲和月。莫等閑。白
少年頭空悲切。靖康恥。猶未雪。臣子恨。何時
滅。壯志飢餐狼虎肉。笑談渴飲匈奴血。待從前
收拾舊山河。朝天闕。後人以朝金為語。忌改天

闕云

鄱陽巍石山有龍居寺。岳武穆嘗過之。留題云。巍
石山前寺。林泉勝境幽。紫金諸佛相。白雪老僧
頭。潭水寒生月。松風夜帶秋。我來屬龍語。為雨

濟民憂

岳侯死後臨安西溪寨軍將子弟因請紫姑神而
岳侯降之大書其名衆已驚愕請其花狎則宛
然平日真迹也復書一絕云經略中原二十秋
功多過少未全酬丹心似石憑誰愬空有遊魂
徧九州秦相聞而惡之擒治其徒流竄者數人
有死者檣之欲殺飛也于東窓下與妻王氏謀
之王氏曰擒虎易縱虎難其意遂决後
檣遊西湖舟中得疾見一人披髮厲聲曰淫謀
國害民吾已訴天得請矣檣歸無何而死未幾

子燔亦死王氏設醮方士伏章見燔荷鐵枷問
太師何在燔曰在鄆都方士知其言而往見燔
與万俟卨俱荷鐵枷備受諸苦槍
曰可煩傳語夫人東瞻事發矣

浙江按察司址武穆王故宅也東南有井王之女

聞王被收抱銀瓶投其中死按察使梁大用亭

覆之榜曰孝娥井于時西蜀劉瑞作之銘曰天

柱艱日為月禍忠烈姦檜孽娥叫父冤冤莫雪

赴井抱瓶泉化血血如霓叶憤如鐵曹江之娥

符爾節噫嘻井可竭名不可滅世稱銀瓶烈女

娘子

胡寅

字明仲，號致堂。幼聰穎，異常而好嬉戲。

父康侯，爲一室中室，有積木，寅戲刻爲物像，極其精巧。康侯乃實書其中，寅盡閱之，過目輒不忘。後遠謫，弗獲，醉書行所作。

通鑑管見皆切，時記憶事也。

紹興乙卯，以旱禱雨，諫議大夫趙霈上言自來祈

禱，斷屠止禁猪羊。今後請并禁鵝鴨。時胡致堂

在兩掖，見之笑曰：「可謂鵝鴨諫議矣。」聞虜中有

龍虎大王，當以鵝鴨諫議當之。

嘉定中，羅相上言：「越州多虎，乞

行下措置多方捕殺張次賢上言八盤嶺乃禁
中來龍乞禁人行時有羅擒虎張弄龍之對

胡明仲嘗與武夷山隱者劉兼道遊劉少豪勇游
俠使氣晚更晦迹自放山水之間善吹鐵笛有
穿雲裂石之聲胡公贈詩有更煩橫鐵笛吹與
衆仙聽之句

王質

字景文
號雪齋

自唐白樂天始為何處難忘酒詩其後詩人多倣
之王景文有四篇曰何處難忘酒蠻夷大不庭

有心扶白日無力洗滄溟豪傑將班白功名未
汗青此時無一盞壯氣激雷霆何處難忘酒姦
邪大陸梁腐儒空有郡好漢總無張曹趙扶開
寶王徐賣靖康此時無一盞淚與海茫茫何處
難忘酒英雄太屈蟠時違聊置畚運至即登壇
梁甫吟聲苦千將寶氣寒此時無一盞拍碎石
闌干何處難忘酒生民太困窮百無一人飽十
有九家空人說天方解時和歲自豐此時無一

盜入地訴英雄

時郭倪為將每自比孔明酒後輒詠三顧頻繁天下計兩朝開

濟孝成心屏風便面一一皆書此二句未幾敗於江上倉皇涕泣而匿時有輕薄子笑曰此帶

沐諸葛亮也

陳克

字子高天台人有赤城詞一卷

呂安老帥建康辟陳克為叅議軍中賦臨江仙詞

曰四海十年兵不解胡塵直到江城歲華銷盡

客心驚疎髯渾似雪哀涕欲生冰送老壘鹽

何處是我綠應在吳興故人相望若為情別愁

深夜雨孤影小窗燈

陳子高贈別有句云淚眼生憎好天色離觴偏觸
病心情又題望夫石云望夫處江悠悠化為石
不回頭山頭日日風和雨行人歸來石應語時
並稱其警拔

堯山堂外紀卷五十七終